

Song Bien Ngoenzgeiq

日记二则

Bi 2021 ndwen 7 ngoenz 7 singgeiz sam ndit

Ngoenzneix gou bae ranz doengz-hag sij cozyez, baez haeuj bakdou. Va! Duz ma neix caen hung ha! Daengx ndang bwn henjhoengz, aen'gyaeuj gig hung, aenbak gvanggumgum, diuz linx iet okdaeuj raezrangrang, saek hoengzoiq, lij rih myaiz dem. Aen-ndang hunghwd, diuz rieng gungjgwd, lumj gaiq sauqbaet nei. Byaij loh caekhaex niuj bae niuj dauq, dingq-gangj duzma miz caetcib gaen lij naek gvaq gou ne. De dwg duzma Lah-bulahdoh, mingzcoh heuh Beibei.

Beibei ngamq raen gou, mbouj leix gou geijlai. De ndwn hwnjdaeuj, sing hung raeuq gou, aiq naemj daeuj haeb caekhaex gou? Youh lumj naeuz:

“Mwngz cawx noh daeuj hawj gou gwn ma? Mwngz mbouj cawx daeuj gou couh haeb caekhaex mwngz.” Gou mbouj lau saek di, youq ranzdaiq gou raen duzma lai lo.

Gou couh hainduj sij cozyez, Beibei daeuj nyuouq caekhaex gou, gou mbouj lau, aenvih gou bae ranzdaiq miz bang ma ndeu daeuj nyuouq gou gvaq, gyoengqde hix mbouj haeb gou, ndigah gou mbouj lau Beibei.

Seiz yietnaiq, gou couh bae lumh duzma, gwnz ndang de bwn nanwnwt, lumj daenj geu buhfaiq, Beibei doiq gou bi diuzrieng, lij nyuouq din fwngz gou, riz gouhhaiz gou, nanzdauh gouhhaiz gou nem miz haex ha?

Seizneix, gou yied daeuj yied gyaez duz ma neix lo.

Bi 2021 ndwen 7 ngoenz 8 singgeiz seiq ndit

Ngoenzneix gou yawjraen Beibei, aenmbei gou lai hung gvaq lo.

De ninz youq bakcanz gizhaenx, gou byaij gvaqbae lumh aen'gyaeuj de, de leix cungj mbouj leix gou, gou baez iet fwngz, de couh ndwn hwnj-daeuj, gou gwih hwnj baihlaeng de bae, gwih hwnjbae gig cwxcaih. Doeklaeng de youh ninz youq gwnz dieg, gou dawz cik din gou cuengq gwnz gyaeuj de bae, de couh ngiengx gyaeuj nyuouq lwgdin gou, gou raen yinx dangqmaz.

Yaep ndeu, de ninz gwnz dieg, gou byaij gvaqbae, de dingqnyi le, couh hai da yawj, de yawjraen gou,



ndwn hwnjdaeuj, doiq gou bi diuz-rieng. Gou gyajcang bae gej diuzcag gug de haenx, de laihnaeuz diuzcag gej hai lo, couh sikhaek cung ok bakcanz bae, hoeng de youh deng diuzcag rag dauqma, caen ndei riu.

Duzma hung Beibei, caen miz-yinx.

(Sanglinz Yen Dafungh Cin Cungsim Hagdangz seiq nienzgaep Cinz Cihsan boux lauxsae son-gyauq Mungz Cwnggzeng)

Daxboh Nyaenma Ak Lai

了不起的狐狸爸爸

bouxraiz Lozwdwz Dazwj bouxhoiz Cwz Fanghdingz

罗尔德·达尔 著 翟芳婷 译

2 Nyaenma Sienseng

Aen bya iq henz lueg miz ndoeng faex ndeu, ndaw ndoengfaex miz go faex hung ndeu, laj dieg go faex hung miz aen congh ndeu, ndaw congh miz nyaenma sienseng, maex nyaenma caeuq seiq duz nyaenma lwg gyoengqde youq.

Moix ngoenz, mbwn ngamq ndaem, nyaenma sienseng couh yaek cam maex de: “Vei, maex ndei gou, ngoenzneix naemj gwn gijmaz ni? Gaeqmeh biz Bozgizsw? Hanq biz bit biz Banghsw? Roxnaeuz gaeqhojgih ndei Bijwnh?” Caj maex de diemj byaek yaq, nyaenma sienseng couh swnh ndaem caegcaeg haeuj lueg bae, cigsoh aeu.

Bozgizsw, Banghsw caeuq Bijwnh dang'yienz rox doxgaiq deng bouxlawz caeg bae lo, gyoengqde hozhwnj dwk yaek fatbag bae. Gyoengqde mbouj dwg vunzndei haengj bang vunz, gaej naeuz dwg caeg doxgaiq gyoengqde, couhdwg naemj caj gyoengqde hawj di doxgaiq ndeu cungj hoj bw. Ndigah, haemhnaengz, gyoengqde cungj dawz cungq dwk-nyaen, ndoj youq diegndaem ciengz dajciengx bonjfaenh, caj gaemh lwg-caeg.

Hoeng, nyaenma sienseng dauq-daej ak gvaq gyoengqde, de cungj dwg daj mbiengj rumz baed daeuj haeuj-gyawj gizdieg de naemj bae haenx. Hix couhdwg naeuz, danghnaeuz baihnaj

miz vunz ndoj youq diegndaem, couhsuenq gek ndaej gig gyae, rumz hix baed gij hei q de haeuj ndaw ndaeng nyaenma sienseng bae. Yienghneix, danghnaeuz Bozgizsw ndoj youq baihlaeng rongzgaeq 1 hauh de, nyaenma sienseng liz seiqcib lai mij couh nyuouq raen de, de couh sikhaek gaij fueng'yiengq, cigsoh bongh bae coh rongzgaeq 4 hauh hwnq youq mbiengj linghvaih ciengz dajciengx haenx.

“Duz cukseng dai gaj neix!” Bozgizsw fok ndaq.

“Gou yaek rag daep saej de okdaeuj!” Banghsw hemq naeuz.

“Gaj dai de!” Bijwnh swenj.

“Baenzlawz gaj?” Bizgizsw cam, “raeuz guhlawz cij gaemh ndaej duz dai gaj neix?”

Bijwnh yungh niux fwngz raezrang ndeu menhmenh bae mbonmbon congh ndaeng, naeuz: “Gou miz banhfap.”

“Mwngz lij miz maz banhfap ndei.” Banghsw naeuz.

“Haepbak dingq youq.” Bijwnh riengz naeuz, “haemhcog, raeuz couh ndoj youq bakcongh duz nyaenma haenx, caj de iet gyaeuj okdaeuj, raeuz couh……Bumh! Bumh bumh bumh!”

“Baenz ha, baenz!” Banghsw naeuz, “hoeng raeuz aeu ra raen bakcongh de gonq cij ndaej.”

“Banghsw, bakcongh gou gaenj ra raen lo.” Bijwnh ganvad dap naeuz, “couh youq ndaw ndoengfaex gwnz bya, baihlaj gofaex hung ndeu……”

Gou Caeuq Geizguk Hab'ingi

我和国旗合个影



Ngoenzhaenx, daxboh dax-meh daiq gou bae denyingjyen yawj denyingj 《Cangzcinhhu》. Daxboh naeuz, neix dwg bouh benq haenh Cungguk Yinzminz Ciyenginh mwh ciengz ciengq hoenx Meijgoz bang Cauzsenh, lwnhgangj ciengz ciengq Cangzcinhhu bi 1950 haenx, bing ciyenginh ginggvaq vut mingh hoenx ciengq, hingzndaej bouh gig youqgaenj ciengz ciengq hoenx Meijgoz bang Cauzsenh. Mwh youq bakdou cawx biuq, boux dahcej gicej ndeu caijfangj daengx ranz dou. Gou youq baihnaj gingdouz miznaj naeuz: Gou yaek engqgya roengzrengz, ndeindei hagsib, hawj guekgva bienq ndaej engqgya hung'ak.

Ndaw denyingj, bing ciyenginh vih henhoh guekgva, caeuq bing Meijgoz doxhoenx haenqrem. Gyoengqde naeuz, danghnaeuz gyoengqde mbouj hoenx ciengz ciengq neix, couh louz hawj daihlaeng. Ndigah, couhsuenq mizmbangj lenzdui bing daengx lenz cungj deng nit dai youq

gyang nae, gyoengqde hix mbouj lau dai, buekguh baenaj. Boux cienghginh Meijgoz ndeu naeuz: “Najdoi q bingdoi ei q-ceiq maenh'ak baenzneix, raeuz ciengxlwenx hoenx mbouj hingz!”

Daj ndaw denyingjyen ok-daeuj, gou ngiengx gyaeuj yawj-raen lajroq venj miz vujsinh-hungzgiz. “Daxmeh! Mwngz yawj, geizguk!” Gou nyaenx mbouj ndaej heuh, yamq din baenaj, simcingz gikdoengh ndwn youq baihlaj geizguk, yaengx sang fwngzgvaq gingqlaex Cungguk saunenz senhfundui yiemzrwd. Daxboh daxmeh guhmuengz dawz soujgih okdaeuj ingisiengq, geiq-loeg gijneix roengzdaeuj.

Seizneix, geizguk youq gyangmbwn mbinyagyag, gou ndwn youq yiemzrwd, simcingz gikdoengh, ndaengndiengq miz-naj. Seizneix, gou roxyiuj le gij raeuj caeuq rengz, maenh'ak caeuq gengrengz daxmeh guekcoj laegdaeuj. Seizneix, gou roxyinh le gij yienzaen mbouj hingz ndaej raeuz.

Gou naemj, bannomj daih raeuz, mbouj ndaej vei bing ciyenginh fouzsei guh'ok, itdingh insik ndwenngoenz gyaeundeiz seizneix, hag ndei bonjsaeh, hwnjguh ndei guekcoj, baujhoh ndei bekkingq, hawj vujsinh-hungzgiz ronghsien ciengxlwenx mbinyagyag youq cungqgyang aen daizheiq seiqgyaiq!

(Nanzningz Si Denhdauz Saedniemh Hagdangz Yinzsanh Yaugh Banh Swjcen)